

V

Wm. A.

—

1

Regalado ala Biblioteca
provinc. de Cádiz por
la Biblioteca

L. Martuburo
Ogt

Handwritten text in a cursive script, likely from a 17th or 18th-century document. The text is written on aged, slightly stained paper. The ink is dark, and the script is fluid and elegant. The text is arranged in several lines, with some words being particularly large and ornate. The overall appearance is that of a formal or official document.

PERIEGESIS
RHETORICA,
IN LAUDEM INCLYTI PARENTIS
DIVI ISIDORI

CONFESSORIS,
HISPALENSIS PROTHOMYSTIS,
HISPANIARUM HYPARCHI,
ET DOCTORIS EGREGIJ.

ENUNTIATA IN ATHENÆO HISPALICO
eidem Sanctissimo Præfui dicato,

A FERDINANDO DE ESPARRAGOSA,
IPSIUSMET LYCÆI SILARICA CHLAMYDE
decorato Alumno.

HEMERA VI. MENSIS APRILIS,
Anni Domini M. DCC. LVI.

AD D. D. MARCELLUM DOYE
ET PELARTE,

PRÆCLARI PALLADIJ MAJORIS SANCTÆ
Mariæ à Jesu Collegam, Laureâ Doctorali in Sa-
cra Theologia insignitum, Alinæque Metropoli-
tanæ, & Patriarchalis Ecclesiæ Hispalensis dig-
nissimum Canonicum Magistralem,
animatùs litata.

HISPALI: Typothecâ Doct. D. Hieronymi de
Castilla, ejusdem valdè Nobilis, maximèque
Legalis Civitatis Typifici
Majoris.

AD D. D. MARCELLUM DOYE ET PELARTE,
Majoris Hispalensis Collegij Sanctæ Mariæ à Jesu Alumnum, Lau-
reâque Doctorali in Sacra Theologia insignitum, & Alma Me-
tropolitane, ac Patriarchalis Ecclesiæ ipsiusmet Civitatis
meritissimum Canonicum Magistralem.

IDYLLION HEXAMETRUM.

TUTUM fulcimen Cicros demissa peroptans,
Pyramidi celsæ follers accedere curat.
Sic Opus, ò Magnas, hoc nostrum quærit asylum,
Sublimi & fulcro vestræ pietatis adhæret,
Quod magis esse sibi, credit, firmumque, securum.
Ipsi subveniat lenis Protectio vestra,
Ut Tutoris celsi nobiliore sub vmbra,
Ac fulcimento tantum præstante favorem,
Id possit majoris scandere culmen honoris,
Quamquè cupit, supplex perfaustâ forte fruatur.

Vestræ Dominationis obsequentissimi,
& acceptissimi Clientes.

Andreas Saez
de las Bacas.

Hieronimus Ramirez
de Castro.



PRINCIPEM, Protectorem, & Patronum,
 Præexcelsum, propitium, & potentem,
 Fidelem Ducem, & Pastorem bonum,
 Præmatem, Prothomystem, & Parentem:
 E Cælis nobis missum sacrum Donum
 Plausurus, edo accentum reverentem,
 Nam superior est hodiè hic respectus,
 Pronitatem alliciens mei affectûs.

(ILLUSTRISIME Confessus, Magnifice Dynastes, ac
 mihi semper colendissime Domine, QVI inter omnes His-
 panicæ Ditionis Ecclesiasticos Cœtus, & primus ordine,
 & dignitate primus conspiceris: CVIVS Præcellentia, &
 Celsitudo in toto terrarum Orbe fusiùs explendescit:
 CVI, præ vberiori honorificentia copiâ, omnigenæ vir-
 tutis ornamine, literarumque eruditionis complemento, ab
 Iberico Cyclo, & plus vltra, summi respectus, perennes-
 que observantiæ, iure, & merito adhibentur: QVEM, ob
 vividum exemplum, perfectiorem ritum, ac inæquabilem
 solemnitatem, velut Normam fidelem, cunctæ Hispanicæ,
 Americanæque Basilicæ Cathedrales acceptâ proclivitate
 verentur, sollertique imitatione sequuntur: & à QVO
 magnus decor in Nationem effunditur, maior nitescencia
 Hespericæ Regioni enascitur, & Hispalensi Emporio Ma-
 ximus honoris, nobilitatis, præstantiæ, elationis, & glo-

7
riæ cumulus emergit: ac nobis omnibus, vestræ Illustrissimæ Dominationis, foelici sorte, Clientulis addictis, *multum* beneficentiæ, *plus* liberalitatis, & *plurimum* patrocinationis indefinenter emanat.

Vernans, amænumque Lycæum, tot Flosculis è Tritonicis Phrontistèrijs deductis, exornatum, ex quibus optimi nutritus, & instructionis fragrantior spargitur odor.

Cæterorumque Adstantium prudens, erudita Corona.)

Principem, inquam, præexcellsum, Protectorem propitium, Patronumque potentem, plausitura, mea, etsi rudia, labra reverenter aperiuntur. Principem, videlicet, Isidorum, Regiæ Hesperici Orbis Celsitudinis præfulgidum ornamentum, Sacrum Ecclesiastici Imperij Optimatem, Hispalensem Mystarchem, Hispaniarum Hyparchum, & Doctorem Inclytum, laudibus efferre, mira que ipsius gesta recensere, adeo.

Principem à Regali origine, excelsaque propagine Isidorum ipsa, totam capiens credulitatem, patefacit veritas: propterea, ab omnibus Princeps indubitanter cognoscitur, plenâ vocitatione proclamatur, ac cernuâ veneratione, fidisque plausibus extollitur. Sacrà Cidarî insignitè indigitatus Isidorus, Princeps Ecclesiæ maximus exclaruit, à quo cumulatior honoris, & nitescentiæ auxësis ipsi supernæ Omnipotentis Domini Arci tributa est, firmiora atque munimina, nè pravæ Infidelitatis insidiæ noceas irruptiones inducerent, erecta relaxerunt. Princeps Virtutibus eximijs Isidorus mirabiliter emicuit, ut operum puritate, & rectitudine, Fideles, ad sui exemplum, veram perfectionis tramitem sectaruros allexisset, dum Impios, & Rebelles insanâ perfidiâ imbutos, tetrisque erroribus obcæcatos, regidiùs extorquebat, & à liminibus probitatis omnes malitiæ, ac protervitatis Duelliones animè avesteabat.

Prinç

Princeps doctrinâ Isidorus præstantissimè enituit:
& constitutus Fidei propugnator, purissimum ipsius nitorem ab improbis Hæreseos nubilis incolumem strenuissimè servavit, ardentèrque defendit. Populum Chriscicola ritui subactum mirificâ instructione suffulcit, vigilique sollicitudine tutavit. Clarissimo Fidei Potentatui maxima stigmata fervidiùs adiecit, plurimosque triumphos avidiùs succrevit. Exteras tamen Infidelitatis Regiones & suo famosiori nomine Isidorus perterruit, & acutiori calamo, instâr gladij flammantis, cunctos earum improbos Perduelles omninò profligavit. Contrâ Hæreticas Acies strenuus semper extitit belligerator Isidorus: Orthodoxam Militiam adauxit; agminaque eius ita ordinavit, ac securis institutricibus regulis edocuit, vt prosperas adòreas, perfaultosque triambos acquisisset. Plurimos suâ doctrina Strâtegus, fidas recturos phalanges, procreavit, quos inter, insignior Ildephonsus, Toletanus Antistes, & prætantior Braulius, Cæsaraugustanus Archipræsul, plausibiliter designantur, in quibus ab Isidoro impressa strenuitas, infusa virtus, infixus zelus, sigillata doctrina, & accumulata Sanctimonia, tantoperè pullulârunt.

Propitium Hispaniæ Protectorem Isidorum verè experientia notavit: illam etenim in iucundiori tranquillitate conservare, & faustâ bonorum auctione stabilire, vt Parens benignus, sollicitissimè satagèbat. Ipsi etiam in eventibus adversis, vt providus Fautor, sedulusque Tutor, mirum subventum omnifariâ adhibere non desijt. Bellicis in iurgiis, friribusque tumultuosis Exercituum Saracenorum, Hispanum Imperium deicere cupientium, Ibericis Regibus, eorumdemque Turbis, tær Sanctum Æterni Domini Nomen, honorem, & gloriam magnificentibus, piamque iugitèr Religionem, & Patriæ decorem tuentibus, vt Dux oppidò fortis, maximum præstitit subsidium, enseque arrepto, auxilium promptum, quòcum cunctæ Maurorum Cohortes penitus trucidabantur,

tur, magnanimitè exhibuit. Vigilans Gregis Christiani Pastor, & Catholici Instituti fidelis Custos, Divinarum Legum observantiam, purorumque Fidei dogmatum firmitatem efficacitè prospiciens, non solum hæccine apud suos Isidorus in Dei obsequium, & Fidei incrementum est indeprus, verum etiam à Monstris Mauritanâ Sectâ infectis, atque ab Assophalis, Arrianisque Draconibus Hæreticâ lue affectis, Gregem suum accuratissimè exemit. Ut Hispalensis Prothomystes, & Hispaniæ Primas, Isidorus, plures Synodos concitavit, in quibus proptasim semper gessit, & Constitutiones quamplurimas, ut novæ Fulminibus Christicoli Ritûs, & Catholicæ Normæ, fortitudines, adversus impiorum Hispanum Regnum infestantium corruptelam, proderentur, atque omnia perfectiorum operum genera, regiminaque tutiora plenius foveri, & asservari quirent, admirationi omnium Prælatorum exposuit, quas, verentis acceptione nactâ, subscribendas, decrevit.

Potentem Hispalis, peramplæque illius Dioecesis, Patronum, Isidorum, cuncti fortunati parœci concordivocatione fatentur. Suo namque auspicio, latissima Hispalitana Civitas, Emporiorum Orbis æmulatio, ditissimâ vbertate, sumptuosâ opulentiâ, & magnificâ ostentatione omnes excelluit: probis moribus, cernuâ fidelitate, omnique virtutum genere, ipsius Accolæ semper claruere: ac laudabili Literarum exercitio, Scientiarumque adeptione nimium floruerunt. Suâ favente tutelâ, maximum Mundi miraculum, Magnitatis Portentum, Religiositatis Prodigium, Solemnitatis Ostentum, præcipuumque totius admirationis Obiectum, Metropolis, nempe, Patriarchalis, multiplici exaltationum, & celsitatum incremento præcelluit. Cuius valde nobile, maximè illustre, admodumque venerandum Capitulum, eximijs præeminentijs, ac egregijs prælationibus insignitum, tantum honorificentia, & magnitudinis cumulo superèminet, quantum omniscia erudi:

eruditione, virtute, exemplo, & ædificatione semper supercrevit. Influyente Isidori beneficentiâ, tota ejus Diœcesis opimâ frugalitate redundat, copiosiori feracitate positur, omnimodâque fungitur fecunditate. Pluviâ selectioris Isidori Doctrinæ irrigata, frugifera puritatis virgulta producit: rore sacræ ejus prospectionis conspersa, proficuas virtutis frutices promit: aurâ ipsius superioris inspirationis suffusa, saniora probitatis germina virefcit, & refovet.

Propitio quoquæ Isidori præsidio, sua Diœcesis ab impiorum Hostium invasionibus, plura per sæcula, libera evasit. Tùm etiam, à contagionum noxis, calamitatûm periculis, temporumque inelementijs, incolumis emerfit. Mediâ Patroni Isidori ad Summum Deum efficaci deprecatione, ab effræno fragore, impulsu vehementi, horrido fremitu, diruenteque strepitu furentium Eòli Satellitûm, ac trepidantis Tærrerotuum impetûs nocumentis, pluriès indemnis permanfit. Mirum in modum, paucis ab hinc mensibus, Inclyti Parentis Isidori precibus, à maxima, quam hucusquæ Orbis perpeffus est, Terræ trementis vibratione, cuius vestigia præfunt, celeberrima Curia Hispalitana, Diœcesanaque ipsius Toparchia haud paululûm immunes perstiterè. Aliquantulam iniuriam à concutiente subterrancâ Ecnèphiâ Patriarchale Templum, fortissima primævæ Dignitatis Acròpolis, sibi infixam flebiliter inspexit: Percellsum Pyramen, elevata Turris, celebrior Ætherearum Regionum exploratrix, à Pyrophilacico, & Aerophylacico complexu, furiosè Terram tremifcere, & crepitate cogente, haud parvâ correpta est iacturâ. At verò, tantâ premente tribulatione, potens Isidori virtus Patriarchalem Basilicam, Turrimque sublimem iam iam ruentem, miserationum Domino annuente, mirabiliter sustinuit.

Adhuc tamen Sacer Patronus suum auxilium amplius patefacere curavit, Collegium isthoc Sanctissimo Præfuli

suli Isidoro dicatum, miraculosâ ipsius potestate faultrice, impetuosâ formidantis Terræmotûs Thyallæ fortius obstitit, ac nè minimum quidem fragmentum ruisse, læsionemvè infixisse, videtur. Quid mirum? Cùm siquidem benignus Tutelaris Isidorus Sacrum Patriarchale Fanum, Omnipotentis Domini permissione, per furibundam Procellam subterraneam partim dirutum, partimque delabi minans, respiceret, proindèque ad Divinorum Officiorum celebrationem fermè invictabile; in tutum refugium, Illustrissimo Capitulo (non sine ingenti istiusmet dolore, universæque Urbis mœstitiâ, & planctu) tunc suo almo Delubro penitus orbato, providâ curacitate indemne præservavit: eique speciosum Sacellum obtulit, in quo fervidum, solemne, & exemplare Choreuma, ut mirandâ, pèrpete, reverenti, ac verè inimitabili assuetudine Christicolis omnibus ostendit, in Dei Optimi Maximi theosebiam, & laudem cordicitus exerceret, cernuaque Sacrificia libaret.

O magne Parens Isidore! Tu Princeps inclytus, totam nobilitans Iberiam! Tu Ecclesiastici Imperij Optimas excelsus! Tu Antistitum decor, rutilansque splendor! Tu Dux, tu Pastor, tuque fidelis Hispanorum Protector! Tu Hispalis, ipsius & Diœcesis, perpius Patronus! Tu tandem nostri Collegij gloriosus Tutelaris. Tuam benedictionem impertire, Sedem tuam anticam, per omnem durationem posticam, exaltare, Metropolim Sanctam omnimodâ faustitate replere, hosceque tuos Clientulos ad perfectionis culmen ducere, dignator.



D I X I.



PETIT

VARIO

R

2

